

摛藻堂四庫全書薈要

集部

欽定四庫全書  
欽定四庫全書  
**欽定全唐詩卷四百六十七**

集部

**御定全唐詩卷四百六十二**

**白居易**

以下  
補遺

**勸酒**

以下見文  
范英華

昨與美人對尊酒  
朱顏如花腰似柳  
今與美人傾一杯  
秋風颯颯頭上來  
年光似水向東去  
兩鬢不禁白日催  
東鄰起樓高百尺  
璇題照日光相射  
珠翠無非二八人  
盤筵何啻三千客  
鄰家儒者方下帷  
夜誦古書朝忍飢

身年三十未入仕仰望東鄰安可期一朝逸翮乘風勢  
金榜高張登上第春闈未了冬登科九萬搏風誰與繼  
不逾十稔居台衡門前車馬紛縱橫人人仰望在何處  
造化筆頭雲雨生東鄰高樓色未改主人一作父云亡息  
猶在金玉車馬一不存朱門更有何人待牆垣反鎖長  
安春樓臺漸漸屬西鄰松篁薄暮亦栖鳥一作鳴桃李  
無情還笑人憶昔東鄰宅初構雲甍彩棟皆非舊瓊瑣  
筵前翡翠栖芙蓉池上鴛鴦鬪日往月來凡幾秋一衰

一盛何一作皆悠悠但教帝里笙歌在池上年年醉五侯

南陽小將張彥破口鎮稅人場射虎歌

海內昔年狎太平橫目穰穰何崢嶸天生天殺豈天怒  
忍使朝朝餓猛虎關東驛路多丘荒行人最忌稅人場  
張彥雄特制殘暴見之叱起如叱羊鳴弦霹靂越幽阻  
往往依林猶旅拒草際旋看委錦茵腰間不更一作見抽

白羽老號簪已斃衆離恐童稚揶揄皆自勇忠良效順勢  
亦然一効猜狂敢輕動有文有武方為國不是英雄伏

不得試徵張彥作將軍幾箇將軍願策勲

陰雨

潤葉濡枝決四方濃雲來去勢何長曠然寰宇清風滿  
救旱功高暑氣涼

喜雨

西北油然雲勢濃須臾霧沛雨飄空頓疎萬物焦枯意  
定看秋郊稼穡豐

過故洛城

故城門前春日斜故城門裏無人家市朝欲認不知處

漠漠野田飛草花

江南喜逢蕭九徹因話長安舊遊戲贈五十韻

見才  
調集

憶昔嬉遊伴多陪歡宴場  
寓居同永樂幽會共平康  
師子尋前曲聲兒出內坊  
花深態奴宅竹錯得憐  
堂庭晚開紅藥門間蔭綠楊  
經過悉同巷居處盡連牆  
時世高梳髻風流澹作妝  
戴花紅石竹被暈紫檳榔  
鬢動縣蟬

翼釵垂小鳳行拂脣輕粉絮煖手小香囊選勝移銀燭  
邀歡舉玉觴爐煙凝麝氣酒色注鴉黃急管停還奏繁  
弦慢更張雪飛迴舞袖塵起繞歌梁舊曲翻調笑新聲  
打義揚名情推阿軌巧語許秋嬾風暖春將暮星迴夜  
未央宴餘添粉黛坐久換衣裳結伴歸深院分頭入洞  
房綵帷開翡翠羅薦拂鴛鴦留宿爭牽袖貪眠各占牀  
綠窗籠水影紅壁背燈光索鏡收花鉢邀人解祫襠暗  
嬌妝靨笑私語口脂香怕聽鐘聲坐羞明映縵藏眉殘

蛾翠淺鬟解綠雲長聚散知無定憂歡事不常離筵開  
夕宴別騎促晨裝去住青門外留連滻水傍車行遙寄  
語馬駐共相望雲雨分何處山川共異方野行初寂莫  
店宿乍恓惶別後嫌宵永愁來厭歲芳幾看花結子頻  
見露為霜歲月何超忽音容坐渺茫往還書斷絕來去  
夢遊揚自我辭秦地逢君客楚鄉常嗟異歧路忽喜共  
舟航話舊堪垂淚思鄉數斷腸愁雲接巫峽淚竹近瀟  
湘月落江湖闊天高節候涼浦深煙渺渺沙冷月蒼蒼

紅葉江楓老青蕪驛路荒野風吹蟋蟀湖水浸菰蔣帝  
路何由見心期不可忘舊遊千里外往事十年強春晝  
提壺飲秋林摘橘嘗強歌還自感縱飲不成狂永夜長  
相憶逢君各共傷殷勤萬里意并寫贈蕭郎

贈薛濤

見張為  
主客圖

蛾眉山勢接雲霓欲逐劉郎北路迷若似剗中容易到  
春風猶隔武陵溪

酬令狐留守尚書見贈十韻

長慶清風在  
變龍變理餘太和  
膏雨降周邵保釐初嵩  
少當官署伊瀍入禁渠  
晚闢開玉兔夕鑰納銀魚舊眷  
憐移疾新吟念索居離聲雙白鶲  
行色一藍輦罷免無  
餘俸休閒有敝廬  
慵於嵇叔夜渴似馬相如酒每蒙  
我詩鄭箋云  
賣也音沽詩嘗許起予洛中歸計定一半為尚書

聽蘆管

幽咽新蘆管淒涼古竹枝似臨猿峽唱  
疑在雁門吹調為高多切聲緣小乍遲  
麤豪嫌觱篥細妙勝參差雲水

巴南客風沙隴上兒屈原收淚夜蘇武斷腸時仰秣胡駒聽驚栖越鳥知何言胡越異聞此一同悲

送滕庶子致仕歸婺州

春風秋月攜歌酒八十年來翫物華已見曾孫騎竹馬猶聽侍女唱梅花入鄉不杖歸時健出郭乘輶到處誇兒著繡衣身衣錦東陽門戶勝滕家

送劉郎中赴任蘇州

仁風膏雨去隨輪勝境歡遊到逐身水驛路穿兒店月

花船棹入女湖春

語兒店女墳  
湖皆勝地也

宣城獨詠窗中岫柳惲

單題汀上蘋何似姑蘇詩太守吟詩相繼有三人

翁吳郡日

劉嘗贈予詩云蘇州刺史例能詩西

捷今來替左司故有三人之戲耳

福先寺雪中餞劉蘇州

送君何處展離筵大梵王宮大雪天庾嶺梅花落歌管  
謝家柳絮撲金田亂從紈袖交加舞醉入籃輦取次眠  
却笑召鄒蕪訪戴只持空酒駕空船

除夜言懷蕪贈張常侍

三百六旬今夜盡六十四年明日催不用歎身隨日老  
亦須知壽逐年來加添雪興憑氈帳消殺春愁付酒杯  
唯恨詩成君去後紅箋紙卷為一作共誰開

送張常侍西歸

二年花下為閒伴一旦尊前棄老夫西午橋街行悵望  
南龍興寺立踟躕洛城久住留情否省騎重歸稱意無  
出鎮歸朝但相訪此身應不離東都

和河南鄭尹新歲對雪

白雪吟詩鈴閣開故情新興兩襄回昔經勤苦照書卷  
今助歡娛飄酒杯楚客難酬郢中曲吳公薰占洛陽才  
銅街金谷春知否又有詩人作尹來

吹笙內人出家

雨露難忘君念重電泡易滅妾身輕金刀已剃頭然髮  
佛經云若救頭然玉管休吹腸斷聲新戒珠從衣裏得初心蓮  
向火中生道場夜半香花冷猶在燈前禮佛名

醉中見微之舊卷有感

今朝何事一霑襟檢得君詩醉後吟老淚交流風病眼  
春箋搖動酒杯心銀鉤塵覆年年暗玉樹泥埋日日深  
聞道墓松高一丈更無消息到如今

壽安歌馬重吟

春衫細薄馬蹄輕一日遲遲進一程野棗花含新蜜氣  
山禽語帶破匏聲垂鞭晚就槐陰歇低唱閒衝柳絮行  
忽憶家園須速去櫻桃欲熟筍應生

贈張處士山人

蘿襟蕙帶竹皮巾雖到塵中不染塵每見俗人多慘澹  
惟逢美酒即殷勤浮雲心事誰能會老鶴風標不可親  
世說三生如不謬共疑巢許是前身

池畔閒坐煎呈侍中

池畔最平處樹陰新合時移牀解衣帶坐任清風吹舉  
棹鳥先覺垂綸魚未知前頭何所有一卷晉公詩

初冬即事憶皇甫十

冷竹風成韻荒街葉作堆欲尋聯句卷先飲煖寒杯帽

爲迎霜戴爐因試火開時時還有客終不當君來

小庭寒夜寄夢得

庭小同蠶舍門間稱雀羅火將燈共盡風與雪相和老  
睡隨年減衰情向夕多不知同病者爭奈夜長何

西還壽安路西歇馬

槐陰歇鞍馬柳絮惹衣巾日晚獨歸路春深多思人去  
家纔百里爲客只三旬已念紗窗下應生寶瑟塵

雨中訪崔十八

肩舁仍挈榼莫怪就君來秋雨經三宿無人勸一杯

夢得得新詩

池上今宵風月涼閒教少樂理霓裳集仙殿裏新詞到  
便播笙歌作樂章

初見劉二十八郎中有感

欲話毘陵君反被欲言夏口我霑衣誰知臨老相逢日  
悲歎聲多語笑稀

夜題玉泉

遇客多言愛山水逢僧盡道厭囂塵玉泉潭畔松間宿  
要且經年無一人

拜表早出贈皇甫賓客

一月一回同拜表莫辭侵早過中橋老於君者應無數  
猶趁西京十五朝

贈鄭尹

府池東北舊亭臺久別長思醉一回但請主人空掃地  
自攜杯酒管弦來

別楊同州後却寄

潘驛橋南醉中別下邽  
邨北醒時歸春風怪我君知否

榆葉楊花撲面飛

狐泉店前作

野狐泉上柳花飛逐水東流便不歸  
花水悠悠兩無意  
因風吹落偶相依

贈盧績

餘杭縣裏盧明府虛白亭中白舍人今日相逢頭似雪

一杯相勸送殘春

與裴華州同過敷水戲贈

使君五馬且踟躕馬上能聽絕句無每過桑間試留意  
何妨後代有羅敷

閒遊

欲笑隨情酒逐身此身雖老未辜春春來點檢閒遊數  
猶自多於年少人

招韜光禪師

見咸淳  
臨安志

白屋炊香飯葷膾不入家瀘泉澄葛粉洗手摘藤花青芥除黃葉紅薑帶紫芽命師相伴食齋罷一甌茶

和柳公權登齊雲樓

樓外春晴百鳥鳴樓中春酒美人傾路傍花日添衣色  
雲裏天風散珮聲向此高吟誰得意偶來閒客獨多情  
佳時莫起興亡恨遊樂今逢四海清

毛公壇

毛公壇上片雲間得道何年去不還千載鶴翎歸碧落

五湖空鎮萬重山

靈巖寺

館娃宮畔千年寺  
水闊雲多客到稀  
聞說春來更惆悵  
百花深處一僧歸

白雲泉

天平山上白雲泉  
雲自無心水自閒  
何必奔衝山下去  
更添波浪向人間

寄韜光禪師

一山門一作分作兩山門兩寺原從一寺分東澗水流西

澗水南山雲起北山雲前臺花發後臺見上界鐘聲下  
界聞遙想吾師行道處天香桂子落紛紛

和夢得夏至憶蘇州呈盧賓客

憶在蘇州日常諳夏至筵糉香筒竹嫩炙脆子鴉鮮水  
國多臺榭吳風尚管弦每家皆有酒無處不過船交印  
君相次褰帷我在前此鄉俱老矣東望共依然

予與劉  
盧三人

前後相次典蘇州今同分司老於洛下洛下麥秋月江南梅雨天齊雲樓

上事已上十三年

曲江

細草岸西東酒旗搖水風樓臺在花杪鷗鷺下煙中翠  
幄晴相接芳洲夜暫空何人賞秋景興與此時同

歲夜詠懷兼寄思黯

徧數故交親何人得六旬

與思黯夢得數還論  
沒者少過得六十

今年已

入手餘事豈關身老自無多興春應不揀人陶窗與弘

閣風景一時新

寒食日過棗糲店

寒食棗糲店春低楊柳枝酒香留客住鶯語和人詩困  
立攀花久慵行上馬遲若為將此意前字與僧期

宿張雲舉院

不食胡麻飯杯中自得仙隔房一作蘿招好客可室致芳

筵美一作家醞香醪嫩時新異果鮮夜深唯畏曉坐穩不

宣一作思眠暴罷嫌無敵詩成媿在前明朝題壁上誰得

衆人傳

惜花

可憐天一作研 豔正當時剛被狂風一夜吹今日流鶯來

舊處百般言語泥一作啼 空枝

七夕

煙霄微月澹長空銀漢秋期萬古同幾許歡情與離恨  
年年并在此宵中

宿誠禪師山房題贈

不出孤峰上人間四十秋視身如傳舍閱世任東流法

為因緣立心從次第修中宵問真偈有住是吾憂

新池

數日自穿鑿引泉來近坡尋渠通咽處繞岸待清時深  
好求魚養閒堪與鶴期幽聲聽難盡入夜睡常遲

南池

蕭條微雨絕荒岸抱清源入舫山侵塞分泉道接邱秋  
聲依樹色月影在蒲根淹泊方難遂他宵闌夢魂

宿池上

泉來從絕壑亭敞在中流竹密無空岸松長可絆舟蠶  
蛤潭上夜河漢島前秋異夕期新漲攜琴却此遊

翻經臺

見咸淳  
臨安志

一會靈山猶未散重翻目葉有來由是名精進纔開眼  
巖石無端亦點頭

寄題上強山精舍寺

見王象之  
輿地紀勝

慣遊山水住南州行盡天台及虎丘惟有上強精舍寺

最堪遊處未曾遊

一字至七字詩

賦得詩 樂天分司東洛朝賢  
悉會興化池亭送別酒酣各請

一字至七字

詩以題為韻

詩綺美瓊奇  
明月夜落花時  
能助歡笑亦傷別  
離調清金石  
怨吟苦鬼神  
悲天下只應我  
愛世間唯有君知  
自從都尉別蘇句  
便到司空送白辭

九老圖詩

并序

會昌五年三月胡吉劉鄭盧張等六賢於東都敝  
居履道坊合尚齒之會其年夏又有二老年貌絕

倫同歸故鄉亦來斯會續命書姓名年齒寫其形

貌附於圖右與前七老題為九老圖仍以一絕贈

之

二老謂洛中遺老李元爽年一百三十六歸洛僧如滿年九十五歲

雪作鬚眉雲作衣遼東華表鶴雙歸當時一鶴猶希有  
何況今逢兩令威

和裴相公傍水間行絕句

行尋春水坐看山早出中書晚未還為報野僧嚴客道

偷閒氣味

一作意味

勝長閒



御定全唐詩卷四百六十二

謹案卷四百六十第十四頁後七行焉用鯤鵬鱗  
羽多刊本鯤訛鵠據原集改





總校官庶吉士臣張能照  
校對官庶吉士臣翟槐

謄錄舉人臣丁兆隆

欽定四庫全書會要

集部

御定全唐詩卷四百六十六

三至

詳校官原任主事臣李斯咏

欽定四庫全書會要卷一萬七千八百六十八

集部

御定全唐詩卷四百六十三

胡果

安定人懷州司馬詩一首

七老會詩

果年八十九

閒居同會在三春  
大抵愚年最出羣  
霜鬢不嫌杯酒興  
白頭仍愛玉爐熏  
裯面玩柳心猶健  
老大看花意却勤  
鑿落滿斟酌  
香囊高挂任氤氳  
搜神得句題紅葉

望景長吟對白雲今日交情何不替齊年同事聖明君

吉皎

吉皎馮翊人衛尉卿致仕詩一首

七老會詩

皎年八十八

休官罷任已閒居林苑園亭興有餘對酒最宜花藻發  
邀歡不厭柳條初低腰醉舞垂絳袖擊筑謳歌任褐裾  
寧用管絃來合雜自親松竹且清虛飛觥酒到須先酌  
賦詠成詩不住書借問商山賢四皓不知此後更何如

劉真一作貞

劉真廣平人磁州刺史詩一首

七老會詩真年八十七

垂絲今日幸同筵朱紫居身是大年賞景尚知心未退  
吟詩猶覺力完全閒庭飲酒當三月在席揮毫象七賢  
山茗煮時秋霧碧玉杯斟處彩霞鮮臨階花笑如歌妓  
傍竹松聲當管絃雖未學窮生死訣人間豈不是神仙

鄭據

鄭據榮陽人右龍武軍長史詩一首

七老會詩據年八十五

東洛幽閒日暮春邀歡多是白頭賓官班朱紫多相似  
年紀高低次第勻聯句每言松竹意停杯多說古今人  
更無外事來心肺空有清虛入思神醉舞兩回迎勸酒  
狂歌一曲會娛身今朝何事偏情重同作明時列任臣

盧真

盧真范陽人侍御史內供奉詩一首

七老會詩

真年八十三

三春已盡洛陽宮天氣初晴景象中千朵嫩桃迎曉日  
萬株垂柳逐和風非論官位皆相似及至年高亦共同  
對酒歌聲猶覺妙玩花詩思豈能窮先時共作三朝貴  
今日猶逢七老翁但願醺醺常滿酌煙霞萬里會應同

張渾

張渾清河人永州刺史詩一首

七老會詩

渾年十七

幽亭春盡共為歡印綬居身是大官遁跡豈勞登遠岫  
垂絲何必坐谿磻詩聯六韻猶應易酒飲三杯未覺難  
每況襟懷同宴會共將心事比波瀾風吹野柳垂羅帶  
日照庭花落綺紈此席不煩鋪錦帳斯筵堪作畫圖看

韋式

韋式太和中人詩一首

一字至七字詩

以題為韻同王起諸公送白居易分司東都作

竹

竹臨池似玉袁露靜和煙綠抱節寧改貞心自束渭曲  
偏種多王家看不足仙杖正驚龍化美實當隨鳳孰唯  
愁吹作別離聲回首駕驂舞陣速

張彤

張彤長慶時人詩一首

奉和白太守揀橘

凌霜遠涉太湖深雙卷朱旗望橘林樹樹籠煙疑帶火  
山山照日似懸金行看採掇方盈手暗覺馨香已滿襟

揀選封題皆盡力無人不感近臣心

周元範

周元範句曲人詩一首

和白太守揀貢橘

離離朱實綠叢中似火燒山處處紅影下寒林沈綠水  
光搖高樹照晴空銀章自竭人臣力一作分玉液誰知造

化功看取明朝船發後餘香猶尚逐仁風

句

誰云萬上煙隨雲依碧落

投白公

莫怪西陵風景別鏡

湖花草為先春

賀朱慶餘及第已上  
並見張爲主客圖

繁知一

繁知一移歸令詩一首

書巫山神女祠

雲溪友議白居易除忠州刺史  
自峽沿流赴郡時移歸縣繁知

一聞居易特過巫山先于神女祠  
粉壁大書此詩居易覩之悵然邀知一至曰歷山劉郎中禹  
錫三年理白帝欲作一詩於此怯而不為罷郡  
經過悉去詩板千餘首但留沈佺期王無競皇  
甫冉李端四章而已此四章古今絕唱人  
造次不合為之與知一同濟卒不賦詩

忠州刺史今才子行到巫山必有詩為報高唐神女道  
速排雲雨候清詞

嚴休復

嚴休復官散騎常侍平盧節度使詩二首

唐昌觀玉蘂花折有仙人遊悵然成二絕

劇談長錄

安安業坊唐昌觀有玉蘂花每發若瓊林瑤樹  
元和中見一女子年可十七八容色婉婉從二  
女冠造花所佇立良久折花數枝曰裏有  
玉峯之期可以行矣行百許步不復見

終日齋心禱玉宸魂銷日斷未逢真不如滿樹瓊瑤蘂

笑對藏花洞裏人

羽車潛下玉龜山。塵世何由覩。舜顏唯有  
多情枝上雪。好風吹綴綠雲鬟。

盧拱

盧拱祕書郎。終申州刺史。與白居易同時詩二首。

江亭寫目

江郭帶林巒。津亭倚檻看。水風蒲葉戰。沙雨鷺鷺寒。晚  
木初凋柳。秋叢欲敗蘭。哀猿自相叫。鄉淚好無端。

中元日觀法事

四孟逢秋序三元得氣中雲迎碧落步章奏玉皇宮壇  
滴槐花露香飄柏子風羽衣凌縹渺瑤轂輶虛空久慕  
餐霞客常悲羽翼蒙蟲青囊如可授從此訪鴻蒙

句

地甃如拳石溪橫似葉舟

駱浚春日見語林

李諒

李諒字復言三宰劇縣再為郡牧終京兆尹詩一首

蘇州元日郡齋感懷寄越州元相公杭州白舍

人

時長慶四年也

稱慶還鄉郡吏歸端憂明發儼朝衣首開三百六旬日  
一作歷  
新知四十九年非當官補拙猶勤慮游宦量才已  
息機舉族共資隨月俸一身惟憶故山薇舊交邂逅封  
疆近老牧蕭條宴賞稀書札每來同笑語篇章時到借  
光輝絲綸暫厭分符竹舟櫂初登擁羽旗未知今日情  
何似應與幽人事有違

劉猛

劉猛梁州進士與元稹同時詩三首

月生

月生十五前日望光彩圓月滿十五後日畏光彩瘦不  
見夜花色一尊成暗酒匣中苔背銅光短不照一作遍空  
不惜補明月慚無此良工

苦雨

自念數年間兩手中藏鉤於心且無恨他日為我羞古

老傳童歌連涇亦兵象夜夢戈甲鳴苦不願年長

曉

朝梳一把白夜淚千滴雨可恥垂拱時老作在家女

萬形雲

萬形雲為白居易所賞詩一首

獻盧尚書

雲溪友譜云形雲游梓州謁盧尚書  
弘宣為閻人艱阻為詩以獻公怒閻

者而禮

萬生馬

荷衣拭淚幾回穿欲謁朱門抵上天不是尚書輕下客

# 山家無物與王權

盧貞

盧貞字子蒙官河南尹開成中為大理卿終福建觀察使詩二首

和白尚書賦永豐柳

有序

永豐坊西南角有垂柳一株柔條極茂白尚書曾賦詩傳入樂府遍流京都近有詔旨取兩枝植於禁苑乃知一顧增十倍之價非虛言也因此偶成

絕句非敢繼和前篇

一樹依依在永豐兩枝飛去杳無蹤玉皇曾採人間曲  
應逐歌聲入九重

和劉夢得歲夜懷友

文翰走天下琴尊卧洛陽貞元朝士盡新歲一悲涼名  
早緣才大官遲為壽長時來知病已莫歎步趨妨

御定全唐詩卷四百六十三

欽定四庫全書  
全唐詩卷四百六十九

集部

御定全唐詩卷四百六十四

王起

王起字舉之揚州人宰相播之弟貞元十四年進士第  
又登制策直言極諫科累官尚書左僕射終山南西道  
節度使起書無不讀一經目弗忘三典貢舉皆得人集  
一百二十卷今存詩六首

和李校書雨中自秘省見訪知早入朝便入集

賢不遇詩

有序

起頃任集賢校書及升柏臺又與秘閣相對今直  
書殿有張學士嘗忝同幕而與秘書稍遠故瞻望  
之詞多

台庭才子來欵扉典校初從天祿歸已慙陋巷迴玉趾  
仍聞細雨霑綵衣詰朝始趨鳳闕去此日遂愁雞黍違  
憶昨謬官在烏府喜君對門討魚魯直廬相望夜每闌  
高閣遙臨月時吐昔聞三入承明廬今來重入中一作  
今日

重來入

秘書校文復忝丞相屬博物更與張侯居新冠峨

峨不變鐵舊泉脉脉猶在渠忽枉情人吐芳訊臨風不  
羨潘錦舒憶見青天霞未卷吟翫瑤華不知晚自憐豈  
是風引舟如何漸與蓬山遠

貢舉人謁先師聞雅樂

謁鵠觀光士來同鵠鷺羣鞠躬遺像在稽首雅歌聞度  
曲飄清漢餘音遏曉雲兩楹淒已合九彷杳難分斷續  
同清吹洪纖入紫氣長言聽已罷千載仰斯文

濁水求珠

行潦沈明月光輝也。不浮識珍能洞鑒精寶。一作意此來

求幾被泥沙雜常隨混濁流潤川終自媚照乘且何由  
的樂終難掩晶熒願見收蛇行無胫至飲德已聞酬

和周侍郎見寄

會昌三年起三典舉場周侍郎  
墀時刺華州以詩賀之起因答

和門生亦

皆有和

貢院離來二十霜誰知更忝主文場楊葉縱能穿舊的  
桂枝何必愛新香九重每憶同仙禁六義初吟得夜光

莫道相知不相見蓮峯之下欲徵黃

贈毛仙翁

冰霜肌骨稱童年羽駕何由到俗間丹竈化金留秘訣  
仙宮嗽玉叩玄關壺中世界青天近洞裏煙霞白日閒  
若許隨師去塵網願陪鸞鶴向三山

賦花

并序

樂天分司東都起與朝賢悉會興化亭送別酒酣  
各賦一字至七字詩以題為韻

花點綴分葩露初裛月未斜一枝曲水千樹山家戲蝶  
未成夢嬌鶯語更誇既見東園成徑何殊西子同車漸  
覺風飄輕似雪能令醉者亂如麻

王損之

王損之貞元十四年進士第詩一首

賦得濁水求珠

積水非澄徹明珠不易求依稀沈極浦想像在中流瞪  
目思清淺褰裳恨暗投徒看川色媚空愛夜光浮月入

疑龍吐星歸似蚌游終希識珍者採掇冀冥搜

王炎

王炎宰相播之弟鐸之父登貞元進士第累官至太常博士詩一首

賦得行不由徑

邪徑趨時捷端心惡此名長衢貴高步大路自規行且

慮避一作  
迴

紫紵僻將求一作  
還多

坦蕩情詎同流俗好方保立

身心一作

貞遠跡如違險修仁在履平始知夫子道從此

得堅誠

封孟紳

一作孟對  
又作孟封

封孟紳貞元十五年進士第一人官終太常卿詩一首

賦得行不由徑

一作蕭  
時詩

欲速意竟

一作

何成康莊欲

一作

砥平天衢皆利往吾道

泰本

一作

方行不復由萊

一作  
荒

徑無由見

一作  
因

將生三條

遵廣達

一作  
道

九軌尚安貞紫陌悠悠去芳塵步步清澹

臺千載後公正

一作  
道

有遺名

邵楚菴

邵楚菴字侍倫閩縣人貞元十五年進士第官校書郎詩一首

題馬侍中燧木香亭

春日遲遲木香閣窈窕佳人褰繡幕淋漓玉露滴紫蕤  
綿蠻黃鳥窺朱萼橫漢碧石雲歌處斷滿地花鈿舞時落  
樹影參差斜入簷風動玲瓏水晶箔

鄭俞

鄭兪貞元十六年登進士第為長水縣令詩一首

賦得玉水記方流

積水暴文動因知玉產幽如天涵素色侔地引方流潛潤滋雲起熒華射浪浮魚龍泉不夜草木岝無秋壁沼寧堪比瑤池詎可儔若非懸坐測誰復寄冥搜

吳丹

吳丹字真存吳人貞元十六年登第歷官至鎮州宣慰

副使尚書郎饒州刺史詩一首

賦得玉水記方流

玉泉何處記四折水紋浮潤下寧踰矩居方在上流映  
空虛漾漾涵白淨悠悠影碎疑衝斗光清耐觸一作掩舟  
珪璋分辨狀沙礫共懷柔一作愁願赴朝宗日一作朝賓海海

紫迴入御溝

王鑑

王鑑貞元十六年登進士第詩一首

賦得玉水記方流

玉潤在中洲光臨磽岸幽氤氳冥瑞影演瀼度方流乍似輕連合還疑駭浪收夤緣知有異洞澈信無傳比德稱殊賞含輝處至柔沈淪如見念況乃屬時休

陳昌言

陳昌言貞元十六年進士詩二首

賦得玉水記方流

明媚如懷玉竒姿自託幽白虹深不見綠水折空流方珏清沙遍縱橫氣色浮類圭才有角寫月讓成鈎久處

沈潛貴稀當特達妝滔滔在何許揭厲願從游

白日麗江臯

一作鮑溶詩

遲景臨遙水晴空似不高清明開曉鏡昭晰辨秋毫鬱  
鬱長堤土離離淺渚毛煙銷占一候風靜擁千艘獨媚  
青春柳宜看白鷺濤何年謝公賞遺韻在江臯

杜元穎

杜元穎杜陵人如晦五世孫貞元十六年登第又擢宏  
詞累官司勳員外穆宗時拜中書舍人不閱歲至宰相

再暮出為劍南西川節度使太和中貶循州司馬有五題詩一卷今存一首

賦得玉水記方流

重泉生美玉積水異常流始玩清堪賞因知寶可求斗回虹氣見磬折紫光浮中矩皆明德同方叶至柔月華偏共映風暖佇將遊遇鑒終無暗逢時願見收一作異寶雖無

願倚  
脰達時  
收

胡直鈞

胡直鈞登貞元十九年進士第詩一首

太常觀閱驃國新樂

異音來驃國初被奉常人纔可宮商辨殊驚節奏新轉  
規迴繡面曲折度文身舒散隨鸞吹喧呼雜鳥春襟衽  
懷舊識絲竹變恒陳何事留中夏長令表化淳

俞簡

俞簡貞元進士詩一首

行不由徑

古人心有尚乃是孔門生為計安貧樂當從大道行詎應流遠迹方欲料前程捷徑雖云易長衢豈不平後來無枉路先達擅前名一示遵途意微衷益自精

楊嗣復

楊嗣復字繼之於陵子也貞元中擢第初署幕府進右拾遺累遷中書舍人牛僧孺李宗閔引之由戶部侍郎擢尚書右丞太和中宗閔罷相嗣復出為劍南東川節度使宗閔復知政事入為戶部侍郎俄拜同中書門下

平章事武宗立貶潮州刺史宣宗大中初以吏部尚書  
召卒謚孝穆詩五首

丁巳歲八月祭武侯祠堂因題臨淮公舊碑

齋莊修祀事旌旆出郊闈雜草軒墀狹塗牆赭堊新謀

猷期一作開作聖風俗奉為神酌酒成均澤持兵列偶人

非才膺寵任異代揖芳塵況是平津客碑前淚滿巾

儀鳳

八方該帝澤威鳳忽來賓向日朱光動迎風翠羽新低

昂多異趣飲啄迥無鄰郊數今翔集河圖意等倫聞韶  
知鼓舞偶聖願逡巡比屋初同俗垂恩擊壤人

贈毛仙翁

天上玉郎騎白鶴肘後金壺盛妙藥暫遊下界傲五侯  
重看當時舊城郭羽衣茸茸輕似雪雲上雙童持絳節  
王母親縫紫錦囊令向懷中藏秘訣令威子晉皆傳倡  
東嶽同尋太真女搜奇綴韻和陽春文章不是人間語  
藥成自固黃金骨天地齊兮身不沒日月宮中便是家

下視崑崙何突兀童姿玉貌誰方比玄髮綠鬚光彌彌  
滿朝將相門弟子隨師盡願拋塵滓九轉琅玕必有餘  
願乞刀圭救生死

題李處士山居

臥龍決起為時君寂寞匡廬惟白雲今日仲容修故業  
草堂焉敢更移文

謝寄新茶

嗣復作相後止貶觀察郡  
守此稱司馬疑非嗣復詩

石上生芽二月中蒙山顧渚莫爭雄封題寄與楊司馬

應為前銜是相公

御定全唐詩卷四百六十四

欽定四庫全書會要卷一萬七千八百七十

集部

御定全唐詩卷四百六十五

楊衡

楊衡字仲師吳興人初與符載崔羣宋濟隱廬山號山  
中四友後登第官至大理評事詩一卷

盧十五竹亭送姪僕歸山

落葉寒擁壁清霜夜露石正是憶山時復送歸山客殷  
勤一尊酒曉月當窗白

旅次江亭

扣舷不能寐皓露清衣襟彌傷孤舟夜遠結萬里心幽  
興惜瑤草素懷寄鳴琴三奏月初上寂寥寒江深

賦得夜雨滴空階送魏秀才

委簷方滴滴霑紅復洒綠醉聽乍朦朧愁聞多斷續始

兼泉

一作松

響細稍雜更聲促百慮自縈心況有人如玉

征人

一作思歸

西風屢鳴雁東郊未升日繁煙幕暮昏暗騎蕭蕭出望

雲愁玉塞眠月想蕙質借問露霑衣何如香滿室

遊陸先生故巖居

獨壑臨萬

一作高

嶂蒼苔絕行跡仰窺猿挂樹

一作松

俯對

鶴巢石上有一巖屋相傳靈人宅深林無陽暉幽水轉

鮮碧拾薪遇遺鼎探穴得古籍結念候

一作俟

雲興燒香

坐終夕

題玄和師仙藥室

山邊蕭寂

一作寥

室石掩浮雲扃遶室微有路松煙深冥

冥入松汲寒水對鶴問仙經石几香未盡水花風欲零  
何年去華表幾度窮蒼冥却顧宦遊子眇如霜中螢

宿陸氏齋賦得殘燈詩

殷勤照永夜屬思未成眠餘暉含薄霧落燼迸空筵誰  
比秦樓曉緘愁別幌前

夷陵郡內叙別

禮娶嗣明德同牢夙所欽况蒙生死契宜顧蓬蒿心雁  
幣任野薄恩愛緣義深同聲若鼓瑟合韻似鳴琴將送

空未立就贅意難任皎月託言誓滄波信浮沉荆臺理  
晨轍巫渚疑宵襟憫憫百慮起回回萬恨深候更促徒  
侷先曉徹夜禽燈彩凝寒風蟬思噪密林留念同心帶  
贈遠芙蓉簪撫懷極投漆感物重黃金分鸞豈遐阻別  
効念相尋儻甘蓬戶賤願俟故山岑

將之荊州南與張伯剛馬懸鍾陵夜別

荆臺別路長密緒分離狀莫訴杯來促更籌屢已倡燭  
花侵霧暗瑟調寒風亮誰一作詎念曉帆開默睇一作點淚參

差浪

經端溪峽中

陰岸東流水上微風生  
素羽漾翠澗碧苔敷丹英重  
林宿雨晦遠岫孤霞明  
飛猱相攀牽白雲亂縱橫  
有客泝輕檝閑勝匪羈程  
逍遙一息間糞土五侯榮  
塞茗庶

蠲熱漱泉聊析醒

禮樂志 秦尊  
柘葉折朝醒

寄言絲竹者詎識松風

聲

南海苦雨寄贈王四侍御

炎風雜海氣暑雨每成霖塗泥親杖屢苔蘚漬衣襟念  
近劇懷遠涉淺定知深暗溝夜滴滴荒庭晝霪霪折簡  
展離曠理徑俟招尋處陰誠多慘況乃觸隅禽

秋夜閒居即事寄廬山鄭員外蜀郡符處士

憂思繁未整良辰會無由引領遲佳音星紀屢以周蓬  
闕絕華耀况乃處窮愁墜葉寒擁砌燈火一作光夜悠悠

開琴弄清絃窺月俯澄流冉冉鴻雁度蕭蕭帷箔秋悵

懷石門詠緬慕碧雞遊髣髴蒙顏色崇蘭隱芳洲

寄贈田倉曹灣

芳蘭媚庭除灼灼紅英舒身為陋巷客門有絳轍車朝

覽夷胡一作吳

傳暮習潁陽書盼雲高羽翼待賈蘊璠璵

纓弁雖云阻音塵豈復疏若因風雨晦應念寂寥居

詠春色

靄靄復濛濛非一作霧

霏

滿晴空密添宮柳翠暗泄路一作路

作

桃紅紫絲光乍失緣隙影纔通夕迷鴛枕上朝漫綺

弦中促駟馳香陌勞鶯轉艷叢可憐腸斷望併在洛城

東

送春

三月三十日春歸日復暮惆悵問春風明朝應不住送  
春曲江上眷眷東西顧但見撲水花紛紛不知數人生  
似行客兩足無停步日日進前程前程幾多路兵刃與  
水火盡可違之去惟有老到來人間無避處感時良未  
已獨倚池南樹今日送春心心如別親故

遊峽山寺

結構天南畔勝絕固難傳幸蒙時所漏遂得恣閒遊路  
石蔭松蓋檻藤維鶴舟雨霽花木潤風和景氣柔寶殿  
敞丹扉靈幡垂絳旒照曜芙蓉壺金人居上頭翔禽拂  
危刹落日避層樓端溪瀾漫駛曲澗潺湲流高居何重  
沓登覽自夷猶煙霞無隱態巖洞詎遺幽奔駟非久耀  
馳波肯暫留會從香火緣滅跡此山丘

宿陟岵寺雲律師院

像宇鬱參差寶林疎復密中有彌天子燃燈坐虛室心

證紅蓮喻跡羈青眼律玉爐揚翠烟金經開縹帙肆陳  
堅固學破我夢幻質碧水灑塵纓涼扇當夏日宿禽詣  
相保递火煙欲失願迴戚促勞趨隅事休逸

秋夜桂州宴送鄭十九侍御

秋至觸物愁况當離別筵短歌銷夜燭繁緒遍高弦桂  
水舟始泛蘭堂榻詎懸一杯勾一作勿離阻三載奉周旋  
鴉噪更漏颯露濡風景鮮斯須不共此且為更留連

九日陪樊尚書龍山宴集

孟嘉從宴地千乘復登臨緣危陟高步憑曠寫幽襟黃  
花翫初馥翠物喜盈斟雲雜組繡色樂和山水音旆搖  
秋吹急筵卷夕光沈都人瞻騎火猶知隔寺深

江陵送客歸河北

遠客歸故里臨路結裴回山長水復濶無因重此來聊  
將歌一曲送子手中盃

送鄭丞之羅浮中習業

百年泛飄忽萬事繫衷榮高鴻脫矰繳達士去簪纓始

從天目遊復作羅浮行雲卧石林密月窺花洞明全形  
在氣和習默憑境清夙祕絳囊訣屢投金簡名鐘管促  
離觴煙霞隨去程何當真府內重得欵平生

送王秀才往安南

君為臨海客客路誰諳悉鯨度乍疑山雞鳴先見日所  
嗟迴櫂晚倍結離情密無貪合浦珠念守江陵橘

送公孫器自桂林歸蜀

桂林淺復碧潺湲半露石將乘觸物舟暫駐飛空錫蜀

鄉異青眼蓬戶高朱戟風度杳難尋雲飄詎留跡舊戶  
間花草馴鵠傍簷隙揮手共忘懷日隋千山夕

贈羅浮易鍊師

海上多仙嶠靈人信長生榮衛冰雪姿嚙嚼日月精默  
書絳符遍晦步斗文成翠髮披肩長金蓋凌風輕曉籟  
息塵響天雞一作鹿叱幽聲碧樹來戶陰丹霞照窗明焚  
香叩虛寂稽首迴太清鸞鷺振羽儀飛翻拂旆旌左挹

玉泉液右擎雲芝英念得參龍駕攀天度赤城

登紫霄峰贈黃仙師

紫霄不可涉靈峯信穹崇下有瓊樹枝上有翠髮翁雞鳴秋漢側日出紅霞中璨璨真仙子執旄為侍童焚香杳忘言默念合一作思舍太空世華徒熠耀虛室自朦朧雲

飛瓊瑤圃龜息芝蘭聚玉籙掩不開天窗微微風茲焉悟佳旨塵境亦幽通浩渺臨廣津永用挹無窮

烏啼曲

可憐楊葉復楊花雪淨煙深碧玉家烏棲不定枝條弱

城頭夜半聲啞啞浮萍流蕩門前水任胥芙蓉莫浣紗

白紵歌一作詞二首

玉纓翠佩雜輕羅香汗微漬朱顏颭為君起唱白紵歌

清聲裏雲繁思

一作思繁多凝笳哀瑟

一作琴

時相和金壺半

傾芳夜促梁塵霏霏暗紅燭令君安坐聽終曲墜葉飄  
花難再復

躡珠履步瓊筵輕身起舞紅燭前芳姿豔態妖且妍迴  
眸轉袖暗催弦涼風蕭蕭漏一作水急月華泛豔紅蓮

濕韋裙攬帶翻成泣

長門怨

絲聲繁兮管聲急珠簾不捲風吹入萬遍凝愁枕上聽  
千迴候命花間立望望昭陽信不來迴眸獨掩紅巾泣

寄微公

北風吹霜霜月明荷葉枯盡越水清別來幾度龍宮宿  
雪山童子應相逐

哭李象

白雞黃犬不將去寂寥空餘墓時路草死花開年復一

更幾年後人知是何人墓憶君思君獨不眠夜寒月照青

楓樹

宿雲溪觀賦得秋燈引送客

雲房寄宿秋夜客一燈熒熒照虛壁蟲聲呼客客未眠  
幾人語話清景側不可離別愁紛多秋燈秋燈奈別何

採蓮曲

凝鮮霧諸夕陽豔綠波風魚遊乍散藻露重稍歇紅楚

客傷暮節吳娃泣敗葉促令芳本固寧望雪霜中

他鄉七夕一本無他鄉二字

漢渚一作浦常多別山一作星

橋忽重遊向雲迎翠輦當月

拜珠旒寢幌凝宵態妝奩閉曉晚一作愁不堪鳴杼日空

對白榆秋

春日偶題

何處春先到橋東水北亭凍花開未得冷酒酌難醒就  
日移輕褐遮風展小屏更無一作不勞人勸飲一作醉鶯語漸

叮嚀

題山寺

千峯白露後雲

一作雪

壁挂殘燈曙色海邊日

一作月

經聲

松下僧意閒門不閉年去水空澄稽首如何問森羅盡  
一乘

廣州石門寺重送李尚赴朝時兼宗正卿

象闕趨雲陛龍宮憩石門清鏡猶啓路黃髮重攀轍藻  
變朝天服珠懷委地言那令蓬蒿客茲席未一作離尊

送孔周之南海謁王尚書

泛櫂若

一作送

流萍桂寒山更青望雲生碧落看日下滄

溟潮盡收珠母沙閒拾翠翎自趨龍戟下再為誦芳聲

冬夜舉公房送崔秀才歸南陽

聞君動征櫂犯夜故來尋強置一尊酒重欵百年心燈

白霜氣冷室虛松韻深南陽三顧地幸偶價千金

送陳房謁撫州周使君

匡山一畝宮尚有桂蘭叢鑿壁年雖異穿楊志幸同貌

羸緣塞苦道塞為囊空去謁臨川守因憐鶴在籠

山齋獨宿贈晏上人

幢一作石

幢雲樹秋黃葉下山頭蟲響夜難度夢間

神不遊窗燈寒几盡

一作淨

簾雨曉增愁何以禪棲客灰

心在沃州

桂州與陳羽念別

慘戚損志抱因君時解顏重歎今夕會復在幾夕間碧  
桂水連海蒼梧雲滿山茫茫從此去何路入秦闕

經趙處士居

雲居避世客髮白習儒經有地水空綠無人山自青  
磬悲逝水卧木思荒庭向夕霏煙斂徒看處士星

病中赴袁州次香館

病輿憇上館繚繞向山隅荒葛漫欹壁幽禽啄朽株力  
微怯升降意欲結踟蹰誰能挹香水一為濯煩紓

送人流雷州

逐客猶天涯人間此路賒地圖經大庾水驛過長沙臘

月雷州雨秋風桂嶺花不知荒徼外何處有人家

送一作  
贈 徵公

白首年空度幽居俗豈知敗蕉依晚日孤鶴立秋墀一作池  
久客何由造禪門不可窺會同塵外友齋沐奉威儀

贈廬山道士

寂寥高室古松寒松下仙人字委鸞頭垂白髮朝鳴磬  
手把青芝夜遶壇物像自隨塵外滅真源長向性中看  
悠悠萬古皆如此秋比松枝春比蘭

賦得直如朱絲弦

寂寞瑤琴上深知直者情幸傳朱鷺曲那止素絲名瑞  
草人空仰王言世久行大方聞正位樂府動清聲文武  
音初合宮商調屢更誰能向機杼終日泣無成

早春即事

眼重朝眠足頭輕宿醉醒陽光滿前戶雪水半中庭候  
一作物變隨天氣春生逐地形北簷梅晚白東岸柳先青  
葱壠抽羊角松巢墜鶴翎老來詩更拙吟罷少人聽

題花樹

都無看花意偶到樹邊來可憐枝上色一一為愁開

宿吉祥寺寄廬山隱者

風一作鳴雲外鐘鶴宿千年松相思杳不見月出山重

重一作孤月  
出山重

邊思

蘇武節旄盡李陵音信稀梅一作花當龍上發人向龍頭

歸

夜半步次古城

茫茫死復生

一作行  
復坐

惟古時城夜半無鳥雀花枝當

月明

春夢

空庭日照花如錦紅妝美人當晝寢傍人不知夢中事  
唯見玉釵時墜枕

宿青牛谷

一本此下有梁  
鍊師僊居五字

隨雲步入青牛谷青牛道士留我宿可憐夜久月明中

唯有壇邊一枝竹

槿

一作戎  
詩

自用金錢買槿栽  
二年方始一花開  
憐紅未許家一作佳

人見蝴蝶爭知早到來

九日

黃菊一作花  
紫菊傍籬落  
摘菊泛酒愛芳新  
不堪今日望  
鄉意強挿茱萸隨衆人

仙女詞

玉京一作  
笄初侍紫皇君金縷鴛鴦滿絳裾仙宮一閑無

消息遙結芳心向碧雲

句

賢人處霄漢荒澤自耕耘  
龍首降時雨雷聲出夏雲

答崔錢二補  
見詩式

一一鶴聲飛上天

見紀事

御定全唐詩卷四百六十五

欽定四庫全書  
欽定全唐詩

御定全唐詩卷四百六十六

牛僧孺

牛僧孺字思黯隴西人貞元中擢進士第歷相穆敬兩朝封竒章郡公後出為武昌節度使文宗朝徵入再相夙與李德裕相惡會昌中貶循州長史大中初還為太子少師卒集五卷今存詩四首

享太廟樂章

湜湜頌頌融昭德輝不紐不舒貫成九圍武烈文經敷  
施當宜慕堯付啟億萬熙熙

樂天夢得有歲夜詩聊以奉和

惜歲歲今盡少年應不知淒涼數流輩歡喜見孫兒暗  
減一身力潛添滿鬢絲莫愁花笑老花自幾多時

李蘇州遺太湖石奇狀絕倫因題二十韻奉呈

夢得樂天

豚渾何時結嵌空此日成掀蹲龍虎闕挾怪鬼神驚帶

雨新水靜輕敲碎玉鳴攬義鋒刃簇縷絡釣絲紫近水  
搖奇冷依松助澹清通身鱗甲隱透穴洞天明醜凸隆  
胡準深凹刻兜幙雷風疑欲變陰黑訝將行噤痒微寒  
早輪囷數片橫地祇愁墊壓鰲足困支撑珍重姑蘇守  
相憐嬾慢情為探湖裏一作底物不怕浪中鯨利涉餘干  
里山河僅百程池塘初展見金玉自凡輕側眩魂猶悚  
周觀意漸平似逢三益友如對十年兄旺興添魔力消  
煩破宿醒婉人當綺皓視秩即公卿南朝有司空石蓋以定石之流品

念此園林寶還須別識精詩仙有劉白為汝數逢迎

席上贈劉夢得

粉署為郎四十春今來名輩更無人休論世上昇沉事  
且鬪樽前見在身珠玉會應成咳唾山川猶覺露精神  
莫嫌恃酒輕言語曾把文章謁後塵

句

但愁封寄去魔物或驚禪

贈白樂天

惟羨東都白居士

年年香積問禪師

贈白下同

不是道公狂不得恨公逢我

不教狂 地瘦草叢短 求人氣色沮憑酒意乃伸

葉季良

葉季良登貞元進士第詩三首

賦得月照冰池

霽夕雲初歛  
樓娥月未虧  
圓先生碧海素色  
滿瑤池天  
迴輪空見波  
凝影詎窺浮霜玉  
比彩照像鏡同規皎潔  
寒偏淨裏回  
夜轉宜誰憐  
幽境在長與賞心隨

賦得琢玉成器

片玉寄幽石紛綸當代名荆人獻始遇良匠琢初成冰  
映寒光動虹開晚一作曉色明雅容看更澈餘響扣彌清  
自與瓊瑤比方隨掌握榮因知君有用高價佇連城

省試吳宮教美人戰

強吳矜霸略講武在深宮盡出嬌娥妓先觀上將風揮  
戈羅袖卷擐甲汗妝紅掩笑分旗下含羞入隊中鼓停  
行未正刑舉令絕崇自可威隣國何勞逞戰功

湛賁

湛賁宋長史茂之十二世孫本家毘陵後為宜春人貞  
元中登第嘗以江陰縣主簿權知無錫縣事後為毘陵  
守詩三首

題厯山司徒右長史祖宅

隱官長史籍高步厯山椒麗句傳黃絹香名播宋朝分  
能知止足跡貴出塵囂松竹心長固池臺興自饒龍宮  
欣訪舊鶯谷忝遷喬從事叨承乏銅章媿在腰

伏覽呂侍郎渭丘員外丹舊題十三代祖厯山

草堂詩因書記事

名遂貴知已道勝方晦跡高居葺蓮宮遺文煥石壁桑  
田代已變池草春猶碧識曲遇周郎知音荷宗伯調逸  
南平兆風清建安跡祖德今發揚還同書史冊

別慧山書堂

捲簾曉望雲平檻下榻宵唶月半窗病守未能依結社  
更施何術去為邦

薛存誠

薛存誠字資明河東人登貞元進士第元和末官至御史中丞詩十二首

暮春自南臺丞再除給事中

仍是本屬几揭  
杖履宛然如舊

再入青鎖闈忝官誠自非拂塵驚物在開戶似一作僧

歸積草漸無逕殘花猶灑衣禁垣偏日近行坐是恩輝

御製段太尉碑

一作薛詩

葬儀從儉禮刊石荷堯君露跡垂繁字

一作藻

天哀灑麗

文詔深榮嗣子海變記孤墳寶思皆涵象皇心永念勲

雅詞黃絹妙渥澤紫泥分青史應同久芳名萬古聞

御題國子監門

宸翰符玄造榮題國子門筆鋒迴日月字勢動乾坤簷  
下雲光絕梁間鵠影翻張英聖莫擬索靖妙難言為著  
盤龍跡能彰舞鳳蹲更隨垂露像常以沐皇恩

御箭連中雙兔

宸遊經上苑羽獵向閒田狡兔初迷窟纖驪詎著鞭三  
驅仍百步一發遂雙連影射含霜草魂消向月弦驩聲

動寒木喜氣滿晴天那似陳王意空隨樂府篇

太學創置石經

聖唐復古制德義功無替奧旨悅詩書遺文分篆隸銀  
鉤互交映石壁靡塵翳永與乾坤期不逐日月逝儒林  
道益廣學者心彌銳從此理化成思光遍遐裔

觀南郊回仗

傳警千門寂南郊綵仗迴但驚龍再見誰識日雙開德  
澤施雲雨恩光變燼灰閨兵貔武振聽樂鳳皇來候刻

移宸輦遵時集觀臺多慚遠臣賤不得禮容陪

聞擊壤

堯年聽野老擊壤復何云自謂歡由已寧知德在君氣  
平閒易暢聲賀作難分耕鑿方隨日恩威比望雲賓桴  
均下調和木等南薰無落於吾事誰將帝已聞

膏澤多豐年

帝德方多澤每每井逕同八方甘雨布四遠報年豐殷  
庾千廂在幽流萬壑通候時勤稼穡擊壤樂農功畎畝

人無情田廬歲不空何須憂伏臘千載賀堯風

東都父老望幸

鑾輿秦地久羽衛洛陽空彼土雖憑固茲川乃得中龍  
顏覲白日鶴髮仰清風望幸誠逾邈懷來意不窮昔因  
封泰山今佇躡維嵩天地心無異神祇理亦同翠華翔  
渭北玉檢候闢東衆願其難阻明君早勒功

嵩山望幸

峻極位何崇方知造化功降靈逢聖主望幸表維嵩隱

映連青壁嵯峨向碧空象車因叶瑞龍駕願升中萬歲  
聲長在千巖氣轉雄東都歌盛事西笑佇皇風

華清宮望幸

驪岫接新豐嵒堯駕碧空鑿山開秘殿隱霧縠仙宮絳  
闕猶棲鳳雕梁尚帶虹溫泉曾浴日華館舊迎風肅穆  
瞻雲輦深沉閉綺櫳東郊望幸處瑞氣靄濛濛

謁見日將至雙闕

曉色臨雙闕微臣禮位陪遠驚龍鳳覩誰識冕旒開謁

謁千年盛顥顥萬國來天文標日月時令布雲雷迴出  
黃金殿全分白玉臺雕蟲竟何取瞻戀不知迴

襄次元

襄次元貞元中第進士元和中為福州刺史河南尹終  
江西觀察使詩三首

南至日閣仗望含元殿爐香

一作煙

冕旒初負扆卉服盡朝天暘谷初移

一作移時

日金爐漸起

一作出御 煙芬馨流遠近散漫入貂蟬霜仗凝逾白朱欄映

轉鮮始看浮闕在稍見逐風遷為沐皇家慶來瞻羽衛  
前

律中應鐘

一作裴詩

律窮方數寸室暗在三重伶管灰先動秦正節已逢商  
聲辭玉笛羽調入金鐘寥葉翻霜彩輕冰歛水容望鴻  
南去絕迎氣北來濃願托無凋性寒林自比松

賦得亞父碎玉斗

雄謀竟不決寶玉將何愛倏爾霜刃揮颯然春冰碎飛

光動旗幟散響驚環珮霜濃繡帳前星流錦筵內圖王  
業已失為虜言空悔獨有青史中英風冠千載

句

積高依郡城迴拔凌霄漢

題望京山  
見閩志

李宣遠

李宣遠貞元進士登第詩二首

并州路

一作楊達詩  
題云塞下作

秋日并州路黃榆落故關一作照間孤城吹角罷數騎射鴈

還帳幕遙臨水牛羊自下山征人正垂淚烽火起雲間

近無西耗

一作李敬方詩

遠戎兵壓境遷客淚橫襟烽堠驚秦塞囚居困越吟自憐牛馬走未識犬羊心一月無消息西看日又沈

李君何

李君何貞元中進士第詩一首

曲江亭望慈恩寺杏園花發

春晴凭水軒仙杏發南園開藥風初曉浮香景欲暄光

華臨御陌色相對空門野雪遙添淨山煙近借繁地閒  
分鹿苑景勝類桃源況值新晴日芳枝度彩鴛

周弘亮

周弘亮登貞元進士第詩三首

除夜書情

何處風塵歲雲陽古驛前三冬不再稔曉日又明年春  
入江南柳寒歸塞北天還傷知候客花景對韋編

曲江亭望慈恩寺杏園花發

江亭閒望處遠近見秦源古寺遲春景新花發杏園萼  
中輕藥密枝上素姿繁拂雨雲初起含風雪欲翻容輝  
明十地香氣遍千門願莫隨桃李芳菲不為言

故鄉除夜

三百六十日云終故鄉還與異鄉同非唯律變情堪恨  
抑亦才踈命未通何處夜歌銷臘酒誰家高燭候春風  
詩成始欲吟將看早是去年牽課中

陳翥

陳翥貞元進士第詩一首

曲江亭望慈恩寺杏園花發

曲江晴望好近接梵王家十畝開金地千林發杏花映  
雲猶誤雪煦日欲成霞紫陌傳香遠紅泉落影斜園中  
春尚早亭上路非賒芳景堪游處其如惜物華

曹著

曹著貞元進士第詩一首

曲江亭望慈恩寺杏園花發

渚亭臨淨域憑望一開軒晚日分初地東風發杏園異  
香飄九陌麗色映千門照灼瑤華散歲蕤玉露繁未教  
游妓折乍聽早鶯喧誰復爭桃李含芳自不言

王公亮

王公亮登貞元進士第長慶初自司門郎中為商州刺  
史詩一首

魚上冰

春生寒氣減稍動久潛魚乍喜東風至來看曲岸初出

永朱鬢見望日錦鱗舒漸覺流澌近還欣掉尾餘喫喝  
情自樂汎泝意寧踈儻得隨鯢化終能上太虛

張仲方

張仲方韶州始興人九齡族孫貞元中擢進士宏詞厯  
散騎常侍京兆尹左遷華州刺史入為秘書監集三十  
卷今存詩二首

賦得竹箭有筠

東南生綠竹獨美有筠箭枝葉詎曾凋風霜孰云變偏

宜林表秀多向歲寒見碧色乍蕙龍清光常清練皮開  
鳳彩出節勁龍文現愛此守堅貞含歌屬時彥

贈毛仙翁

毛仙翁毛仙翁容貌常如二八童幾歲頭梳雲鬢綠無  
時面帶桃花紅眼前人世閱滄海肘後藥成辭月宮方  
口秀眉編貝齒瞭然炅炅雙瞳子芝椿稟氣本堅強龜  
鶴計年應不死四海五山長獨遊矜貧傲富欺王侯靈  
通一作通靈指下輒璧龍虎化瑞氣爐中金玉流定是煙霞

列仙侶暫來塵俗救危苦紫霞妖女瓊華飛秘法虔心  
傳付與陰功足陰功成羽駕何年歸上清待我休官了  
嫁桃源洞裏覓仙人

句

入門池色靜登閣雨聲來

見三山志

崔玄亮

崔玄亮字晦叔磁州人貞元中與元白同登第憲宗時  
為監察御史歷密歛湖三州刺史太和中由諫議大夫

遷散騎常侍終虢州刺史有三州倡和集今存詩二首

和白樂天

時以太子賓客分司東都

病餘歸到洛陽頭拭目開眉見白侯鳳詔恐君今歲去  
龍門久我舊時遊自到未遊龍門幾人樽下同歌詠數盞燈前  
共獻酬相對憶劉劉在遠寒宵耿耿夢長洲

臨終詩

慙榮慙悴石敲火即空即色眼生花許時為客今歸去

大厯元年是我家

句

共相呼喚醉歸來

徐牧

徐牧貞元進士詩一首

省試臨淵一作川羨魚

清泚濯纓處今來喜一臨慙無下釣處空有羨魚心退  
省時頻改謀身歲屢沉鬢成川上媚網就水寧深頰尾  
臨波裏朱鬚破浪尋此時儻不漏江上免行吟

王播

王播字明數其先太原人父恕為揚州倉曹參軍遂家  
焉播與弟炎起皆有文名並擢進士長慶初拜相太和  
初復專政卒贈太尉詩三首

淮南游故居感舊酬西川李尚書德裕

一本題作淮

南節度使遊  
故居感舊

昔年獻賦去江渭今日行春到却悲三徑僅存新竹樹  
四鄰惟見舊孫兒壁間潛認偷光處川上寧忘結網時

更見橋邊記姓名始知題柱免人嗤

題木蘭院

一作惠照寺

二首

播少孤貧嘗客揚州惠照寺木蘭院隨僧齋餐僧  
厭怠乃齋罷而後擊鐘後二紀播自重位出鎮是  
邦因訪舊游向之題名以碧紗幕其詩播繼以二

絕句

三十年前此院遊木蘭花發院新修如今再到經行處

樹老無花僧白頭

上堂已了各西東慚愧闇黎飯後鐘三十年來塵撲面  
如一作而今始得碧紗籠

獨孤良弼

獨孤良弼貞元間進士官左司郎中詩一首

上巳接清明游宴

上巳歡初罷清明賞又追閏年侵舊歷令節併芳時細  
暮一作雨鶯飛重春風酒醞遲尋花迷白雪看柳折青絲  
淑氣如相待天和意為誰吁嗟名未立空詠宴遊詩

沈傳師

沈傳師字子言吳人貞元末登第歷官拾遺翰林學士中書舍人寶歷中由尚書右丞出為宣歙觀察使復入為吏部侍郎有才行工楷法詩五首

次潭州酬唐侍御姚員外游道林嶽麓寺題示承明年老輒自論乞得湘守東南奔為聞楚國富山水青嶂邇迤僧家園含香珥筆皆眷舊謙抑一作攜自忘臺省尊不令執簡候亭館直許携手游山樊忽驚列岫曉一

晚來逼朔雪洗盡煙嵐昏碧波迴嶼三山轉丹檻繚郭

千艘屯華鏃躞蹀絢砂步大旆綵錯輝松門櫟枝競鶩

龍蛇勢折幹不滅風霆痕相重古殿倚嵒腹別引新徑

紫雲根目傷平楚虞帝魂情多思遠聊開樽危弦細管

逐歌飄颻

一作畫鼓繡靴隨節翻鏘金七言凌老杜入木

八法蟠高軒嗟余潦倒久不利

一作知忍復感激論元元

和李德裕觀玉藥花見懷之作

曾對金鑾直同依玉樹陰雪英飛舞近煙葉動搖深素

萼年年密衰容日日侵勞君想華髮近欲不勝簪

德裕元倡

有今來想顏色還似憶瓊枝之句故云

贈毛仙翁

安期何事出雲煙為把仙方與世傳只向人間稱百歲  
誰知洞裏過千年青牛到日迎方朔丹竈開時共稚川  
更說桃源更深處異花長占四時天

寄大府兄侍史

見雲煙  
遇眼錄

積雪山陰馬過難殘更深夜鐵衣寒將軍破了單于陣

更把兵書仔細看

蒙泉

見方輿勝覽

京路馬騮騮塵勞日向深蒙泉聊息駕可以洗君心

白行簡

白行簡字知退白居易之弟貞元末第進士累官度支郎中有兄風嘗從居易謫所天性友愛當時無比集二十卷今存詩七首

春從何處來

欲識春生處先從木德來入門潛報柳度嶺暗驚梅透  
雪寒光散消冰水鏡開曉迎郊騎發夜逐斗杓迴淑氣  
空中變新聲雨後催偏宜資律呂應是候陽臺

貢院樓北新栽小松

華省春霜曙樓陰植小松移根依厚地委質別危峰北  
戶知猶遠東堂幸見容心堅終待鶴枝嫩未成龍夜影  
看仍薄朝嵐色漸濃山苗不可蔭孤直俟秦封

金在鎔

巨橐方鎔物洪鑪欲範金紫光看漸發赤氣望逾深  
燄熱晴雲變煙浮晝景陰堅剛由我性鼓鑄任君心  
躊躇徒標異沈潛自可欽何當得成器待叩向知音

歸馬華山

牧野功成後周王戰馬閒驅馳休伏阜飲鹹任依山逐  
日朝仍去隨風暮自還冰生疑隴坂葉落似榆關蹀蹀  
仙峰下騰驤渭水灣幸逢時偃武不復鼓鼙間

夫子鼓琴得其人

宣父窮玄奧師襄授素琴稍殊流水引全辨聖人心慕  
德聲逾感懷人意自深泠泠傳妙手撼撼振空林促調  
清風至操弦白日沈曲終情不盡千古仰知音

李都尉重陽日得蘇屬國書

降虜意何如窮荒九月初三秋異鄉節一紙故人書對  
酒情無極開緘思有餘感時空寂寞懷舊幾躊躇鴈盡  
平沙迴煙銷大漠虛登臺南望處掩淚對雙魚

在巴南望郡南山呈樂天

時從樂天忠州

臨江一嶂白雲間紅綠層層錦繡班不作巴南天外意  
何殊昭應望驪山

裴澄

裴澄聞喜人德宗朝登第官至蘇州刺史詩一首

春雲

漠漠復溶溶乘春任所從映林初展葉觸石未成峰旭  
日消寒翠晴煙點淨容霏微將似滅深淺又如重薄彩  
臨溪散輕陰帶雨濃空餘負樵者嶺上自相逢

羅立言

羅立言宣州人太和中歷司農少卿李訓引為京兆少尹知府事同謀誅宦官被害詩一首

賦得沾美玉

誰憐被褐士懷玉正求沾成器終期達逢時豈見諭寶  
同珠照乘價重劒論都浮彩朝虹滿懸光夜月一作孤月影  
幾年淪瓦礫今日出泥塗采斲資良匠無令瑕掩瑜

張燦

張燦貞元元和間進士詩一首

寒食遣懷

繁華泣清露悄悄落衣巾  
明日逢寒食春風見故人病  
來羞滯楚西去欲迷秦憔悴此時久一作夜青山歸四鄰

謹案卷四百六十五第十四頁後二行一作戎昱  
詩刊本詩訛時今改

卷四百六十六第十二頁前二行終能上太虛按  
別本上作淚

欽定四庫全書



總校官庶吉士臣張能照  
校對官庶吉士臣翟槐

謄錄監生臣李惠滋

財團  
法人 佛陀教育基金會  
釋淨空 敬贈